

Kuala Lumpur

Suruhanjaya pantau industri simen

Suruhanjaya Persaingan Malaysia (Suruhanjaya) akan memberi perhatian dan usaha untuk memantau industri simen secara konsisten bagi menyokong inisiatif kerajaan dalam melindungi pengguna berikutan pengumuman kenaikan harga simen.

Ketua Pegawai Eksekutif Suruhanjaya, Iskandar Ismail berkata, Kementerian Perdagangan Dalam Negeri dan Hal

Ehwal Pengguna (KPDNHEP) telah mengadakan pertemuan dengan pemain-pemain industri simen pada 18 Jun lalu.

"Kami sedang bekerjasama rapat dengan KPDNHEP untuk memberikan input kami dan akan menilai perkara ini di bawah peruntukan Akta Persaingan 2010 jika perlu," katanya dalam kenyataan di sini, semalam.

